

新疆圖志卷十三

天章四

高宗純皇帝西師底定伊犁捷音至詩以述事  
乘時命將定條枝

天佑人歸捷報馳無戰有征安絕域壺漿簞食迎

去聲王師據副將軍阿睦爾撒納等奏稱

大兵至伊犁部衆持羊酒迎犒者絡繹載道婦孺歡呼如出水火自出師以來無血刃遺鋤之勞救邊掃穴實古所未有

阿玉錫歌

阿玉錫者伊何人準噶爾屬司牧臣其法獲罪應剉臂何不卽斬  
犯厥尊徒步萬里來向化育之塞外

先朝恩事在雍正十一年

薩拉爾來述其事云卽彼中勇絕倫持銃迎面未卽

發直進手奪無逡巡召見賜銀擢侍衛卽命先驅清漠塵我師直

入定伊犁達瓦齊聚近萬軍鼓其螳臂欲借一依山據淖爲營屯

我兩將軍阿睦爾撒納薩拉爾

重諮議以此衆戰玉石焚廟謨本欲安絕域撻伐

毋乃違皇仁健卒掄選二十二日阿玉錫統其羣曰巴圖濟爾噶

新疆圖志

天章四

爾去年投誠封郡王納墨庫屬之章京也

及察哈什副以進

計此人乃我師至伊犁新投誠之宰桑

阿玉錫喜曰固當

去聲廿

五人氣摩青旻銜枚夜襲覘賊向如萬祖父臨兒孫大聲策馬入

敵壘厥角披靡相躡奔降者六千五百騎阿玉錫手大纛牽達瓦

齊攜近千騎駝走喙息嗟難存荆軻孟賁一夫勇徒以藉甚人稱

論神武有如阿玉錫知方亦復知報恩今我作歌壯生色千秋以

後斯人聞

雙烈詩

有序

雙烈詩者例雙忠詩而作也昔駐藏都統傅清左都御史拉布

敦誅叛臣朱爾墨特納木札爾以人少力微二臣死事然究能

鋤元凶而安絕域故臨奠建祠並有雙忠之詩以揚其勳去歲

命定北將軍班第議政大臣鄂容安駐伊犁時二臣旣奏阿睦

爾撒納有反志朕命便宜從事庶幾消患未然乃二臣觀望疑

慮以致兔脫而賊黨反得結連赴約襲我軍營二臣力不能敵

損軀沙場猶之死王事也一以勇決建績一以徘徊僨事然臨

難致命奮不顧身有足哀者今大兵既靖伊犁逆賊窮蹙逃竄  
不日獻俘二臣靈輿至京之日朕亦親臨醮奠並成是什雙烈  
云者蓋不如雙忠之盡善矣

昔有傅介子手斬樓蘭頭通權建殊績芳名播千秋况乎統三軍  
既悉彼逆酋一武夫之力何事仍夷猶逡巡大軍徹偏師五百留  
彼梟有密約入覲中逗遛八月廿五日三處共一謀阿睦爾撒納  
來阿爾台陬將合其部眾挈妻孥以逃叶是則預有旨其妻孥盡  
收厥阿巴噶斯斷我軍書郵克什木巴桑伊犁逞劫偷兩路如期  
發猖狂肆叫詼叶蜂屯更蟻雜不可爬與梳叶二臣知不敵全軍  
將內投而彼截歸路加以聚蚩蚩巴桑謀致辭權假為我速徐當  
備馬馳送之返皇州二臣怒唾罵天朝無此媮効死視如歸背義  
生肯求奮旅更前進氣髮衝兜鍪終知事不濟畢命飲屬鏹叶問

罪重整師豈辭雪載途

叶阿睦爾撒納叛後向謂事難成者皆以爲不出所料伊犁卒不能平朕料叛賊  
陰險多詐其得在此其失亦在此伊犁之衆不過一時附和終不能人盡從彼若少

延緩則叛賊又將別生變詐反失事機因正永常懼怯退師之  
罰急趨西路軍師勉期進剿旋於今春直達伊犁賊失據奔竄旋復定伊犁脅從寬厥尤一二助

### 新疆圖志

天章四

二

惡者

謂阿巴噶斯  
克什木之流

繫虜皆虔劉渠魁竄異域王師奮遐搜亦聞哈薩克

縛獻深同讐命求二臣骨靈輿返首邱臨奠例雙忠惜哉淚湧流

初若聽我言寧有今日不忠於國有濟烈惟已不渝叶究匪貪生

比使我悲心悠朱門歌舞輩青史文章儔我豈為彼哉長歌旌乃

休

### 舒布圖鑑巴圖魯奇徹布歌

千人萬人敵昔有亦惟能將資衆力一人奮勇敵二千昔未前聞

今始出其人曰惟奇徹布向爲侍衛備宿直叶去歲從軍監包沁

包沁之人乃通賊

厄魯特呼噶爲包包沁其可噶人也上年五月其宰桑阿克諾爾率衆二  
千餘人來附逆賊阿睦爾撒納之亂包沁煽動關出卡倫爲官軍所殲

來圍其帳

欲肆害奇徹布曾無懼色徐腰囊韃手弓箭出帳跨馬聲霹靂蟻

聚叫謹羣近前應弦卽倒賊辟易辟易復前恃其衆長槍大銃競

相逼奇徹布且戰且走得一柳林爲障翼賊人圍之凡數重恐自

傷無施銃隙持槍人亦弗敢進進被箭死屍橫路二千人各二千

心一人氣奪二千魄侵尋天暮衆西奔奇徹布歸奏殊績賜金賜

爵酬勤勞復請從師肯宴息舒布圖鎧巴圖魯神勇之名汝應得  
荆軻孟賁匹夫豪日月燭火光應熄我歌嘉爾豈徒然勗我八旗  
永爲式

### 三巴圖魯歌

巴圖魯者勇冠軍昔我旗人頗恒有近世以來殊不聞蓋因太平  
日已久歲寒松柏見後凋當春何以殊榆柳邇者西鄙屬用軍折  
衝咸欲効奔走舒布圖鎧已超羣三巴圖魯亦赳赳其一額納伸  
去歲伊犁從將軍將軍使彼詢事因單騎逕入衆賊羣左支右絀  
箭斃數人知事不濟拔刀自刎期報君其一巴寧阿讀作麻倉卒亂時  
將軍前後護衛相蔽遮發無不中中無不死殺人如麻將軍遣之  
出巴寧阿曰朝廷命官偷生安往耶力敵視將軍盡節然後伏劍  
義烈真堪嘉二人既死還復甦宰桑巴礫得之壯其志養之數月  
我師再入方得歸軍牙其一曰富錫爾將軍命之攜印以出歸帝  
里其奈賊人擁蜂更屯蟻料不能出將印沉之水力戰受創命垂

### 新疆圖志

天章四

三

盡伊犁喇嘛救之得不死故賜額納伸曰卓禮克巴圖魯卓禮克  
者節義卓爾永不渝賜巴寧阿曰昆都爾巴圖魯昆都爾者力敵  
萬人暇有餘賜富錫爾曰哈布台巴圖魯哈布台者穿楊貫石技  
不殊迴思去歲迅功成亡矢遺鏃夫何曾不期小醜逆志萌未能  
除蔓我二卿乃致沙場雙捐生亦我坐謀遙未精嘉我旗人多忠  
誠舊風未遠垂儀型愉以爲戚留定評乃至西海揚芳聲

伊犁將軍奏土爾扈特汗渥巴錫率全部歸順詩以誌事

有序

伊犁將軍伊勒圖等奏土爾扈特汗渥巴錫及其台吉策伯克  
多爾濟並舍楞等率其部衆三萬餘戶來歸先期遣使至伊犁  
具書通款自言爲阿玉奇汗正系向居俄羅斯地久願爲大皇  
帝臣僕而無機可乘乃於去冬謀去舊游牧挈屬內附因自彼  
逸出行程萬千有餘里閱半年餘始抵卡倫乞準令入覲以伸  
積誠渥巴錫等以先後來伊犁察其詞意懇切郵函以聞先是  
安泰奏偵知土爾扈特部內附信卽遣額駙色布騰巴爾珠爾

往迎之今卽諭其偕渥巴錫等至山莊朝謁而舒赫德亦先所命由烏什馳往蒞其事者因令伊勒圖爲將軍駐伊犁安輯新附之衆給以餼贍振其乏也授之牧地資其生也其汗及台吉宰桑至者將錫宴賚封爵秩而其部衆則量地分編以居聯其情亦渙其勢也蓋土爾扈特自入俄羅斯遠阻聲教越今幾六七十年乾隆丙子秋其汗敦魯布喇什雖曾使人入貢第宴而遣之茲乃不籍招致全部內屬誠有不期然而然者且準噶爾自底定以來築城安屯無異中國郡縣今土爾扈特復隸我藩屬於是四衛拉特之衆盡撫而有之可謂盛矣然余履泰持盈之念彌以是爲兢兢序而繫之以詩紀實也其詳分注各句下此則無庸覲縷矣

土爾扈特部昔汗阿玉奇今來渥巴錫渥巴錫爲土爾扈特汗阿玉奇之孫敦魯布喇什汗子也明背俄羅

斯向化非招致頒恩應博施舍楞逃復返平定伊犁時舍楞曾計害我副都統唐喀祿逃匿俄羅斯彼時即向索取而俄羅斯以土爾扈特

持舊係彼屬竟不送還今舍楞既棄彼來歸俄羅斯即向我求索亦有辭折之然莫若先以此意令典屬傳檄示知尤見中國光明正大彼亦合無辭衛拉昔相忌攜拏

新疆圖志 天章四 四

往海濱準噶爾舊凡四部曰準羅斯曰都爾伯特曰和碩特曰土爾扈特爲四衛拉特策安阿拉布坦時與土爾扈特構其汗阿玉奇統全部西北去乃以輝特爲一衛拉特而土爾扈特部遂居俄羅斯終焉懷

故土遂而棄殊倫俄羅斯素不奉佛土爾扈特在彼俗尚不同知伊犁黃教振興因思還歸故土且聞從前抄誠之都爾伯特部在几得膺封爵樂業安居遂棄現居之額濟勒游牧率屬內附弗

受將爲盜初聞土爾扈特來歸之信議者或以舍楞前此負罪逃去不宜與衆同受其降余以彼既棄俄羅斯而來若拒而弗納彼退無所歸必爲盜抄掠非所以甯我邊圉且恐舍楞不來同行之衆或疑畏不敢前殊非善全之計

若俟其既至執而罪之尤非所以昭威信示懷徠也彼既悔罪竊忖則宥其已往俾安皆我民從今蒙古

類無一不王臣

托和爾行

我師攻圍賊庫車臨衝第第四面羅舊降伯克回部宰桑謂之伯克爲我用其名

鄂對散秩加授職散秩大臣備知彼中之形勢悉告將臣防周遮托和爾地名

通賽里木地名賊來援者所必過爰遣達克他那藍翎侍衛名瞭遂見踪跡

詳寡多以計誘賊賊遂至達克他那緩行誘賊賊住亦住賊進則退遂引至近軍營處請爲前導剿賊窠發師

順德訥副都統領隊大臣率往堂堂之陣誰逆賊不自量犯兩翼兩翼飛馳

張鶴鵝長箭大礮如雨下狂回奔亂氣消磨填溝受殺敢迴顧血

流漂杵時無何剿賊二千四百餘傷我十數忠堪嘉是爲征回第

一戰遂叨

天佑威荒遐軍書日馳六百里奏函夜至披衣視賜官錫祿酬庸  
勳克城更待頒恩旨討逆伐賊非得已鯨鯢京觀豈所喜  
和落霍漸行

今春我師剿逆夷首戰實和落霍漸斬將舉旗早報捷酬勞頒賚  
已有差卽今生解俘囚至日渥赅特宰桑伊散秩大臣曾授職乃  
敢倡亂如鴟鴞面詢彼所致敗故昨舌惟歎天奪其彼衆猶有千  
餘騎覘知我寡設計奇輜重遠行誘我逐層層伏賊據險巘官軍  
四百始馳至少騎示弱山之陲我進彼乃蠡涌集銃礮如雨循環  
施我軍曾無一傷者百靈擁護信有之衝鋒突入矢齊發賊乃喪  
膽紛離披鹿垂隴種各逃命大鞞大膊張軍威殲彼屍僵近四百  
負傷遁者數無訾是誠

天助額手慶奮勇要亦資人爲問率軍者其人誰超勇親王家聲

貽 將軍車布登扎布爲超勇親王額駙策楞之子其兄成袞扎布襲封親王車布登扎布以奮勇著績爵封郡王亦賜號超勇

軍書

新疆圖志 天章四

軍書羽速至謂喜顧生恨言志兼紀事顛未必傳信先是率回纥

將謂賊渠遁茲因沙雅降雅爾哈善等先以迎勦霍集占繼衆舉旗回會免脫奏報至是沙雅爾城回長阿三和卓木乞降錄其供詞始將霍集占敗入庫車潰圍不得出後乘靈夜遁

去諸將並未追擒情歷歷叙明伯克親詳訊始知霍集占來救庫車因爲我軍所截入城

欲伺釁合力旋突出彼遮復挫勅乃率四百騎夜出身免愁咄哉

堪扼腕選將吾未慎失機有如此是豈疎防僅譬鴉自投羅解放

翻成吝夷考自軍興誤事率臣蓋徒憐諸士卒奮勇冒白刃賴

天雖有成決策屢多悶自責不知人違敢弛國憲

烏什城酋長霍集斯伯克攜回衆獻城降詩以紀事

執渠早是被恩榮先是達瓦齊自格登窮竄霍集斯伯克奉軍檄設計縛獻錄功褒賞畏逼還隨尙近情霍集斯伯克與小和卓木均係回目特爲

所強羅因附和觀釁罪在可有識順料伊將倒戟嘗與軍機大臣籌畫軍情會論及霍集斯伯克有擒獻達瓦齊一節我軍至其地料彼或降順比及大兵既近伊果筵歛小和卓木計圖擒縛因爲潛覺遁去

遂率衆投款軍門剪凶匪我願佳兵申明昧雉霜嚴令庫車之圍逆酋唾手就獲而失律者貽誤因令將軍兆惠往代就塗次執失律之臣明示顯戮

軍威大振疊見牽羊肉袒迎

天佑人歸逮底績越因兢業懍虧盈

我師

我師萬里外馬力實難繼况深入賊巢主客勢誠異以此彼所圍

固守鼓衆氣豈忍罪輕進惟獎勤王事十年十月十三日之役將軍兆惠直薄葉爾羌城僅以四百餘人衝勦賊衆二萬餘又道遠馬乏猝有挫

初然深溝高壘悉力持守賊不敢犯其果銳沉毅有大過人者若輒以倖試爲營再二督援師速進以接

濟亦不待督責敵愾人同勵參贊尙書舒赫德於阿克蘇城先簡駐城銳卒並督諸路兵先至者星馳往營而將軍伯富德等所統滿州索倫察哈爾及綠旗營兵取道雲集

贊公阿里衰以次解馬濟師一時軍聲士氣爲之益振屈指數上居諸兵應臨彼地爭勝在俯仰所關信

非細中夜不安寢亟盼佳音至忽傳驛致章秉燭披衣視叶鏖戰

五日夜斬將率旗幟副將軍富德參贊及軍士叶同心成巨功殲

賊數千騎富德報至稱本年正月初六日統兵行至呼爾滿地方遇賊騎五千摩衆夾擊轉戰五日四夜會參贊阿里衰督解馬匹亦至分翼斫戰賊衆創潰戮賊千餘人餘悉負傷敗竄而逆酋大和卓木脇中鎗傷賊衆昇之入城

且潛回略什噶爾矣已近將軍營通信卒遣四時將軍兆惠營中聞鎗聲知援兵已至乃勵兵邀戰將賊焚燬數處且陣戮千餘人生擒五十餘人獲器械無算並遺索倫回兵各二

人自軍門持牘相開頑回百計攻官軍一意備以此歷三月無恙皆甯謐叶先

赫德得兆惠檄取援兵割云營中有餘糧可二三月爲堅壁計自後回會或用雲梯或用決水皆爲我兵先覺應手破之而營中繕備益嚴故困守雖逾時而人皆有固志至是馳報自將軍下逮介士並整暇如故云相商夾擊

策一舉期功遂四月寤寐榮今朝始慶慰殷心念衆勞額手感

天賜仁待捷音馳國朝威遠被

黑水行

新疆圖志 天章四

喀喇烏蘇者唐言黑水同去年我軍薄回穴強弩之末難稱雄築

壘黑水待圍解詎人力也

天幘幪明瑞馳驛踰月到毅勇承恩公明瑞 孝賢皇后姪也命以副都統領兵行間爲前鋒召回京問以被圍情狀自葉爾羌抵京路萬五千里疾馳踰月而至面詢

其故悚予衷蜂蟻張甄數無萬三千餘人守從容窘米濟軍軍氣

壯奚肯麥麴山鞠翦引水灌我我預備逆回導渠淹我營壘將軍兆惠等預開溝引之入河且轉資其用反資衆

飲用益豐銃不中聲去人中營樹何至析骸薪材充著木銃鐵獲萬

億賊據高施銃鉛丸空集營樹上我軍斫木爲薪木中得鉛丸萬億即取以擊賊斃賊無算翻以擊賊賊計窮先是營內所穿井圍

將解乃智其中聞言爲之悵諸臣實鞠躬隨復爲之感

天眷信深崇敬讀

皇祖實錄語所載曾聞我

太宗時明四總兵來戰正值大霧彌雰敵施火礮樹皆燬都統

艾塔往視攻回奏敵礮止傷樹我兵曾無傷矢弓匪今伊昔蒙

帝佑觀揚

前烈勵予冲詎人力也

天幘幪大清寰海欽皇風

和闐賊遁詩以誌事并序

和闐為回部扼要重地所屬六城曰伊里齊哈拉哈什玉隴哈什齊喇塔克克里雅而統名之曰和闐先是將軍兆惠遣侍衛齊凌扎布噶布舒及回長鄂對伯克等往招歸順繼大軍被圍小和卓木遣賊黨往攻和闐齊凌扎布噶布舒等分守伊里齊哈拉哈什玉隴哈什三城百計抵禦以待援師其餘三城力不能支復叛降賊兆惠等解圍之後即遣副都統巴圖濟爾哈爾瑚爾起等分兵馳救望見賊營時值大霧彌漫我師乘勢奮勇直前衝擊殲其渠魁阿布都海里克及和集雅斯二人鄂斯滿被創竄去餘賊悉遁和闐得以解圍其三城仍即撫定

傅檄曾聞定六城狂且怒臂致加兵力單三堡重去聲反覆伊里齊哈拉哈什玉隴哈什賊

識干旌古稱羊侃斯為盛何吝嘉勤爵賞行圍時齊喇塔克克里雅城內降回度守禦單弱不能自存隨復叛從賊

新疆圖志

天章四

七

博羅齊行

博羅齊者鄰和闐逆回據險值我軍先是圍解黑水困元戎遣救

掄二臣去冬將軍兆惠兵逼葉爾羌特勇徑渡葉爾羌河以衆寡不敵為賊所困乃築柵黑水之地相持累月小和卓木乘間遣賊黨往圍和闐六城已失其三遂副將軍富德統兵應援與兆惠夾擊破賊圍解之後兆惠與諸將集議遣副

厄魯特宰桑其勇誠超羣同心協力速赴援率軍數不能盈千途

歷戈壁不毛之地負甲步進無俄延哈拉哈什已垂陷齊凌扎布

馳來言夜急行至伊里齊時賊望風先逃奔集兵拯哈拉哈什賴

天大霧彌漫乘霧直擣賊營後伺怠奮勇攻中堅斬將率旗獲

輜重孤城恢復餘俱安昔薛延陀禱神能致雪冀困李勤終乃自

敵焉此霧或亦敵詐答西域習咒述者能禁制作使風雲雪霜霧名為詐答翻為我用成功全易云天所

助者順向猶未信今信然持盈知足感

帝佑敢肆志詡能開邊

黑爾根巴圖魯瑪瑞斫陣歌

乙亥以來有事戎賴我衆力成膚功重賞之下多勇士捨身圖報

羣輸忠舒布圖鑑實巨擘三巴圖魯繼厥踪見丙子集中後乃不可屈指

數就中瑪瑞尤稱雄經卅餘載皆首出奉旗斬將誰爭鋒鐵騎憑

陵諸鄂拓準夷部落名肅清伊犁揚英風今春我軍急進援富德率軍如

熊熊瑪瑞命領塗路首蒙古語先鋒探信者呼爾瑞處賊迎攻堂堂之陣賊辟易

瑞乃獨進躡寇窮金鞭連策大宛馬繡螯不用用雕弓一箭正中

賊要害再箭倉卒乃落空三箭終殪賊墮馬忽忘身入賊隊中蜂

屯蟻雜齊擁簇瑞之馬斃倒沙蓬捨馬步戰短兵接叱吒凌厲氣

如虹我軍隨進瑞乃出檢傷十處中去聲其躬以帛裹傷明復戰義

膽自有神帡幪花門降胡昨舌歎如此超勇聞何從將軍一一據

實奏不奇其勇憐其衷設非立志忠且壯安能効命功名崇馳驛

令歸不可再嫖姚賜第今堪同席前備陳隕涕聽厚賚覺未酬勳

庸仍歸禁旅領宿衛命為護軍統領若無曩勩撫謙冲古來歸奏未央殿却

聞天子不召見

喀什噶爾回衆投誠詩以紀事

新疆圖志

天章四

今春圍解黑水營黑水即喀喇烏蘇地近葉爾羌去冬將軍兆惠等築壘固守處也全師迴阿克蘇城賊不敢遮

亦不綴彼力創竭足堪徵北塞調馬往二萬益以索倫之勁兵以

布易回粟供餉回人以布為珍用兵駐阿克蘇時命轉餉者運以易粟騰軍省費三十餘萬復勅內都就產布各省採解不以煩甘涼以被災故也數月休息悉飽

騰整師兩路一時進殲渠務使回衆甯回會兄弟分處兩城枝梧策應命將軍兆惠等由烏什往喀什噶爾富德等由和闐往葉爾羌帥兵同時

惠報回衆投誠拆封披摺一詳覽歷歷都悉軍前情進至伊克斯

哈拉地名將軍兆惠進兵攻喀什噶爾閏六月初三日行至此地前隊中夜聞人行參贊公明瑞於前隊略地夜聞人騎進圍賊之詢得

奮勇圍捉喊勿殺是投誠者來相迎久慕歸順大皇帝奈脅霍集

占弟兄大和卓木今肆掠想同伊弟潛逃生舊伯克等差我輩願

師速往揚威聲馬驢牛羊被擄去欲追擒彼嗟無能懇籲將軍早

赴援庶和卓木未遠征兆惠悉此率兵進通信富德同謀誠來降回衆云其屬方

更慰萬

里繫念忭四大回城三已得喀什噶爾為逆會大和卓木窟穴其城更大於先得之烏什阿克蘇二城今已款降所餘僅葉爾羌一大城矣遊魂釜

底焉支撐斷其左臂固美事不無少恨煩懷仍使波羅泥都大和卓木名也

分投兩路軍門時兆惠聞信即移知富德軍以便協謀乘勢進取

相機持重慮賊詐兆惠奏言回人情詞無可疑而受降如受敵兩軍並加意慎重以防詭詐甚協機宜



就獲以之餌彼弟或聽乃先兵至早逃去復需時日勞軍偵二魁  
俘虜靖遐壤靜俟

天佑歌武成

固濟爾巴圖魯瑞綽爾圖盡節詩

瑞綽爾圖者索倫侍衛員曾以血戰功因賜號旌賢瑞綽爾圖於乾隆二十一年冬隨大兵進勦阿睦撤

納與哈薩克力戰有功時賜是號固濟爾何為敢勇能摧堅亦云其勇耳大節乃炳然兆

惠定回城喀爾喀驛章一一宣云有瑪穆特被回擄去年其人厄魯特

隨軍廝役焉將軍遣偵騎彼亦隨往旃時將軍遣散秩大臣達什策楞及瑞淖爾圖莫甯察

也忽被賊回遮眾寡敵實難矢盡守空屋奮突揮以拳莫甯察戰

沒岱屯命亦捐瑞綽爾圖在傷重飲劍艱猝被生縛去至霍集占

前卓立唾賊罵裂髻髮衝冠巴圖魯侍衛豈懼爾狂獮天兵今少

至數萬繼進連以千敵爾萬汝滅踵不霍旋集占乃怒持刀向頸

剗其達什策楞同時遭繫牽霍集占忿罵爾厄魯特人計脣齒應

相依何受中國官鐵鈎鈎四肢其死最可憐是皆所親見節語敢

新疆圖志

天章四

九

取愆徒以無足數旦夕命苟延渠逃定回城乃復得見天兆惠聞

此語既悅繼涕漣悅亦我有人涕以己所遣叶據實歷詳陳痛淚

不忍看心與帥臣同恩加甯惜駢瑞綽爾圖等前已有旨勅部照陣亡例賜恤今為齒睚

陽張為舌常山顏古有今豈無詩錄其人傳

雙義詩并序

副將軍富德至葉爾羌既定回城痛去歲將士之沒於王事暴

骨沙場為之築墳表墓因以奏聞蓋隨將軍兆惠力守者固已

無恙而旁出捉生及在途值賊者猝致捐軀實出逆料時則納

木扎三泰適以奉差而往遇賊而殉此雙義之詩所由作也夫

雙忠戡亂於無形雙烈表節於有北今之雙義亦復炳然此皆

我八旗世臣與國同休戚者在諸人含笑九泉已知世祿之必

被而朕捫心午夜奚啻手足之如傷用兵既非得已盡節豈所

樂聞且卽此役而言非生擒二酋何以雪我軍之恨哉然既建

大業甯免微疵卽走卒廝養頗切同仇則知我國家豢養旗人

萬年鞏固之基而非周秦漢唐一興兵而天下騷怨聲載道者比此又朕所慶幸者夫

雙忠昔集事雙烈能忘身二事皆見前集茲作雙義詩其故得細陳曰納木

扎爾曾贊北路軍奮勇剪逆賊封伯酬其勳納木扎爾先以都統參贊北路軍務會擒喀爾喀叛逆青滾雜卜論功加封伯爵

副都統三秦英氣頗超人均御前侍衛素悉厥忠勤兆惠富德輩

從戎久効勤欲代俾將母將軍兆惠富德母俱年高比歲領軍討賊故特簡二臣往代之二臣被選掄去歲黑水

役前見固守遣索倫致信愛隆阿權退催後援可支百日間速進莫

逡巡將軍兆惠等猝被賊進時愛隆阿拒河駐後將軍兆惠自圍中遣索倫二人間道傳語大兵未集可速廻阿克蘇俟後軍一齊進援將軍及參贊輕進徒俱焚

當待師並來何慮狂狙狺時授納木扎爾為靖逆將軍三秦為參贊大臣之信兆惠已知之故亦令督廻以俟後軍爾時二臣者馳

驛往軍門過愛隆阿營却近黑水濱所遣人未遇礮聲前忽聞知

賊與我戰聞戰恥退奔徒攜百餘騎赴義命同捐叶凶信驛遞來

痛淚傷心魂使早知拒守退俟熊羆羣同進可樹功何致均沉淪

卽先至一日合兆惠軍屯亦可旋今歲奚煩以身殉叶不前復不

後此實若有神富德自和闐重至黑水津葉爾奇木降諸事粗處

新疆圖志 天章四 十

分痛念我將士沙場化為燐黃頭雖不備掩骼權為墳猿鶴昔屬

幻邱隴今可循因以此事奏西望揮淚頰豐碑旌墓門千秋西海

垠捐軀固臣節在爾非所論在予則何忍此恨終當伸夷考六人

蹟事異心同均與國休戚共甯止曰蓋臣史筆多訛傳永言傳其

真

副將軍富德等追及兩和卓木大勝回軍捷音至作歌紀事

慶宵對月方開筵將軍捷報驛騎傳擘囊展書歷歷閱額手慶慰

衷心憐憐者我衆實奮力慰者呵護惟賴天萬有餘里所致馬軍營解馬

彼逃乃在廿日前自內地至肅州遠者已四五千里其自肅至察汗烏蘇又萬有餘里而山間繞道崎嶇屢經戈壁均未得飲未稍休又踰戈壁無水泉裹糧追賊幸尾及

創猶抗顏先是參贊公明瑞襲賊霍斯庫魯克嶺轉戰三時擒斬賊衆其夥乘勝追擊軍勢大振會日晚我兵馬力不及賊復以殘衆竄去阿爾楚爾列賊衆避

其輜重伏據山輕舉墮術在所戒集思持重勝算先時逆會方設伏於兩山峯頂少遣賊人迎誘我兵欲

遲其狡計副將軍富德知之與參贊大臣等集議營陣攻取不恃勇輕進偏伍彌縫密佈置發縱指使皆英賢副將軍富德與霍集

公明瑞阿柱等領左翼參贊阿里袁巴祿等領右翼翼之中各分前中後隊又益以奇兵援兵隊各為一別遣巴諸大臣

圖魯侍衛額爾登額等分率巴圖魯二隊被四面兵應援而領隊齊凌扎布為殿將軍卒如臂指相維布置實當

均予心膂巴圖魯侍衛比肩夙所教養共修戚敵愾兼逮輿僮焉

是役雖僕隸無不共奮義勇

同心戮力功克就二豎鼠竄圖苟延戰罷檢閱傷一卒殲

彼計級乃盈千師難到葉爾奇木况過數千里行遄以少勝衆剪

賊黨

明瑞既以前鋒九百擊敗賊衆六千茲役也我兵馬步統計不過三千人勦逆回四千餘衆擒斬已過其四之一而助逆渠魁如阿布都克勒木等大伯克數十人並臨陣殲之逆酋黨惡殆盡云

國威赫濯

揚天邊優叙未足酬勞績

捷奏至並有旨從優議叙猶念將軍參贊等彈力奮勇殊勳非常例可酬立待元凶就縛時特加曠典

桂觴欲泛還

罷旃百年養士今獲效

祖宗福蔭貽萬年貯待俘虜到露布西師之役方稱全西師之役  
方稱全行張凱宴勞凱旋

哀伊犁

我哀伊犁之人久連遭去歲底定將謂此次永息肩而胡么麼密  
計復煽亂伊犁之人亦相附和爲叛奸後旋知悔過欲擒賊渠贖  
罪誠可憐乃以衆志不齊相觀望逆賊挺而走險攻中堅十餘鄂  
拓邊巡各退遯反致劫擄父不保子夫不保妻遭流連加以爭相  
奪攘爲矯虔強者食弱壯者食幼互暴殘馬牛羊以食盡野無黃

新疆圖志

天章四

十一

獨室無種疾疫出痘亡者白沙捐伊犁河流爲之赤竟有血人於  
牙以冀旦夕延王師重入匍匐歸者軍門環伊犁之人汝莫歎孰  
令汝二三其志自作孽患焚焚泯泯忘大義民無二日汝獨有二  
天千古有云既來之則安之余亦焉能屏棄旃爲之禁盜劫爲之  
勗耕田逆賊既除自今以後汝得高枕眠休養生息延數年或得  
元氣復以全如此而已甯須竭內地力萬里惠窮邊

花門行

花門雜種其類繁玉關迤西西海連或居城郭或游牧牧滋畜獵  
城者田其性均能殖貨產剛勇善戰則鮮焉部落雖殊形貌似晰  
面綠瞳赤髮鬃大宛卽今哈薩克布魯特近古于闐其他不堪俚  
指數要使強弱爲歸叛叶準噶爾昔全勝日役使若輩如奴佃令  
棄故居來伊犁課其引水種稻和服勞供賦不敢怠詎知引恨已  
有年逆渠去歲竊據險回人助之藉少安台吉宰桑心不一邊巡  
各退遭顛患叶而何逆渠復狼忌謂回人衆其力全不早圖之將

受害機事不密回人先遂攻逆渠渠敗劔回人還向故土遷拆屋  
代樹示不返伊犁荒涼吁可憐地積白骨草木赤腥風吹野遊狐  
獾一穴構害胎萬億降殃會見昭昭懸

禍木特詩

厄魯禍木特本其舊宰桑領眾扎哈沁扎哈沁者守邊界之也所職守邊疆昔奉

其主命授掠我駝羊事在雍正八年西鄙眾軍士羣知勇異常前歲三策凌

出未敢肆猖狂維時予有命邊臣爾何恒時駐烏里雅蘇台防邊者為副都統達奇阿即以此事得非今降為侍衛詳見後隘

界等無人不擒汝罪當邊臣聞乃懼誘致奏九閭予謂不明討計

誘失斟量命釋禍木特薄責勵戎行阿睦爾撒納彼中久披猖禍

木特與戰屢勝兵威揚撒納大窮蹙始決親來降侵尋彼大亂我

師壓境強禍木特亦歸優眷加冠裳進兵命與議造膝陳言良撒

納今雖順其心乃豺狼不可命彼往往必為厲殃予云不逆詐遣

彼亦何妨使其顯背叛正罪往斧吭亡何定伊犁亡何逆蹟彰謫

新疆圖志 天章四 十一

賊謀夙定煽亂為鴟張禍木特力寡勁敵歸途搪禍木特與將軍班第等司駐伊犁尋以養河他適無兵衛比聞

猶手刃三賊力盡馬亦僵被擒見撒納不屈氣更昂逆賊

責之云衛拉天各方汝何心向內同類而相戕禍木特唾之理義

人之綱舊主嗣早絕謂噶爾丹策凌匪我獨契忘大君惟討逆信義昭煌煌

擒我復捨之既歸恩遇滂于恒尙應報起死可勿償嚮內非獨我

汝先沐寵光一死我弗懼駢誅汝立亡逆賊慙無言絞縊厥命傷

伊犁重底定游魂走踉蹌脅從以次擒生致明憲章問以禍木特

畢知顛末詳烈士何處無未可分域鄉錄實彙括詞千載流聲芳

固爾扎廟火用唐韓愈陸渾山火和皇甫湜韻並效其體

拓上今踰吐谷渾奚論邏迤將河源何來狂童欲窮吞再整戎車

安輕軒亂之不戢終自燔師壓波羅塔拉原義所動彼亦履坤諸

鄂拓兵無際垠狡計近窺喇嘛垣盜駝馬逃藉桑門人思見日汝

蔽墩名佛弟子心狙猿如魚背龍竊友龜鷗不搏鷓乃搏鷓以致

游魂遠跳奔衣黃空忝人中尊固爾扎本菴羅園人人供養莊嚴

游魂遠跳奔衣黃空忝人中尊固爾扎本菴羅園人人供養莊嚴

繁朝螺慕鼓法音喧仲氏吹箎伯氏埴利竿高標金字旛胡僧碧  
眼脫其禪露兩肩肘及兩臂羊鹿牛徒示三轅天龍軍遲屬囊鞬  
修羅乾闥挾雙幡掃其穢跡風以怨火輪轉法差脹膳炎官祝融  
朱雲屯烈飈出穴口如盆鑠金爛石焦窪罇四大雖解無生言那  
伽此言誇也不爲吐水翻有其成之毀必反賓頭盧瞋目雙暖如彼落葉  
還歸根淨業何有於烏孫創興黃教駢肩跟假借敬佛示惠恩亦  
欲貽法其曾元二世滅裂不可援狼貪虎攫難盡論汝狡避禍來  
謁閣膝前面陳涕漬痕憐汝賚汝安汝魂解衣推食奚汝冤野心  
背德義何存固應天殛絕爾殮洛那即古大宛今哈薩克也各方非世婚去歲劫  
擄遭爾昆阿睦爾撒納之兄巴特瑪策凌及其黨額林沁相繼奔哈薩克以圖棲托其後皆肆搶奪逃竄而歸三窟未必容爾蹲小大怨汝  
奚騰騫亦月申酉利復怨銷兵魚海靖鯨鯤瓊琳琅玕貢崑崙四  
西勒圖何瞽昏固爾扎廟內喇嘛分四牀謂之西勒圖蓋彼之掌教者云助逆不當遭劫焚塌和韓韻足解  
煩泰山北斗一仰捫

得庫車城誌事有序

新疆圖志

天章四

十三

庫車之圍將軍雅爾哈善坐失事機方小和卓木率衆來援屢  
經被殲而任其潛入潛出若罔聞知前後奏報矛盾俱見前詩  
知其株守淹時必致逆黨兔脫坐得空城以自解今報至悉如  
所料詩以誌恨

我師久圍賊庫車

讀作歌

殲其援者紛如麻惟是將軍無紀律卒致竄

走彼么麼軍書之事已誌恨後聞地穴爲賊遮

雅爾哈善用綠營穴地火攻計轉爲賊覺橫截一溝燒焚兵丁乃不自引

預料將得空城耳彼賊腹心仍逃他驛章忽至共披閱一一

答惟委罪將佐塞責

如言曾不差言則不差事則償用非其人愧若何

烏什戰圖補詠

有序

自庚辰西師凱旋之後伊犁則築城墾野回部則減賦薄徵視  
地之大小險夷各駐以大臣戍以兵卒晏然無事矣越五年乙  
酉而有烏什之變烏什者介於阿克蘇喀什噶爾之間爲回部  
適中之地依山爲城有險可恃田肥饒水充足又有牧場可滋  
長馬牛羊故變亂之後逆賊守至六越月始食盡力窮縛其酋

以獻於是誅戮其精壯遷徙其婦稚凡烏什之城及所附村落皆爲官有駐以大臣戍以兵卒如前制而更申明紀律焉夫烏什固據形勝得扼吭捩臂之勢而宜厚駐我兵以鎮壓衆回部之地也初以王師勦逆撫順不可無故奪之今值彼變亂自取屠滅因以爲回部適中官軍都會之地是又開惑論所謂愈變而愈康者非

天垂貺豈能若是哉而予渺躬之荷

寵綏勵競業又當何如哉其致變之由及我官軍之奮勇克復條爲六事各繫以詠如左

聞變

乙酉二月烏什小伯克賴黑木圖拉等聚衆五百餘乘夜縱火焚掠戕殺官軍駐守之副都統素誠自殺賊遂據城爲變時駐阿克蘇之副都統下塔海聞之急郵奏報覽其詞過於張皇知其庸懦不足集事且回部久懷德威使非激之致亂不應自棄

新疆圖志

天章四

十四

化外庸可不察其由以示懲創因降旨駐伊犁之將軍明瑞細查致亂之由以聞

南巡三月返春舟六百飛傳計里郵

下塔海初奏烏什事由六百里馳達時方自杭州迴蹕即於行舟批答並籌度調兵諸機宜

展視

乃知烏什變報來始自阿蘇投

回語阿克蘇急呼則爲阿蘇烏什卡倫官全福等開城中變急投阿克蘇報知下塔海即據以入告

輕徭本

是常施惠倡亂何當彼取尤

回衆蠢動固罪無可道若招釁有由亦不可不申國法以儆其餘因密諭明瑞於赴援時訪實迅速奏

師援

阿克蘇喀什噶爾與烏什相倚角應援最近而下塔海與駐喀什噶爾之都統納世通雖亦領兵往救但二人素未經戰陣無益於事時明瑞聞而統兵赴援兼程遄進至則申明軍律并力攻城賊始困窘

勳戚伊犁董重兵

明瑞於平定回部時奮勇追勦屢著功績素爲回人所憚因命其爲將軍駐伊犁統轄諸回城事

早年回部得威名變

聞遂率雄師援途遠仍教兼驛行

計明瑞聞烏什事必率師赴援但伊犁相距幾二千里慮或稽時奏至知其兼程前進爲之欣慰

可笑

無能還妬阻

納世通甫至烏什聞明瑞統兵赴援之信恐其分功遽行又阻止奏至降旨嚴飭而明瑞亦不從其言決計迅赴

幸因未聽遂遄征逆回

始相

去聲

倉皇守壁壘新知紀律明

下塔海納世通諸事失措爲逆回所輕及明瑞至申嚴軍律賊衆始惶懼死守不敢復出

獻謀

烏什伯克賴黑木圖拉既叛慮其力之不能抗我師也乃相與聚謀走間諜巴布敦等卑辭厚幣求援於霍罕之厄爾德尼伯克又教為詭語以煽亂所過諸布魯特惟時諸伯克久效恭順且知逆黨之妄也遂執巴布敦等遣使詣喀什噶爾以獻

游牧東西勃律連

唐之勃律即今之布魯特

不同回部列氓編

諸回城向苦準噶爾賦重自己卯底定時即為減定賦額一如內地編戶徵納八皆

樂輸至布魯特則逐水草而居非若回人之能習耕作盡地利故雖向化內附不令納賦惟入觀時職貢效忱而已

負城既叛賴黑木

賴黑木圖拉既據烏什即遣其黨巴布敦等偕安集延塔什罕之貿易回

人賈書幣潛往霍罕乞援

去聲

道潛通安集延布魯適居路徑過

去聲

駒支驀遇計擒

全巴布敦等至布魯特境即詭稱附近烏什各回城同時俱亂黨以煽惑諸部衆適喀什噶爾阿奇木伯克鳴代默特遣人告之以叛逆惟烏什一城餘皆安堵時布魯特比齊里克齊遂誘巴布敦等擒之即遣其弟喀爾都解送喀什噶爾比者部落之

首領即如回部伯克之職捫都解送喀什噶爾外域輸忠意實虔

悉故

布魯特既縛獻巴布敦等於喀什噶爾時駐喀什噶爾之副都統柏琨訊其變亂之由則稱烏什之阿奇木伯克阿布都拉橫派黷擾蕩檢宣淫而副都統素誠不但加督責且與之同流

新疆圖志

天章四

十五

合汚以是回衆不勝其忿遂脅聚生變又納世通下塔海平時亦妄自尊大凌虐諸回素為衆怨所集且下塔海初至烏什城下不事詰剖輒施鎗礮以攻及賊出拒復怯而敗走納世通繼至亦茫然不知所措賊益逞其負隅之勢明瑞詢察得實臚章入告與柏琨所奏悉合因各視其罪重懲之

巴布敦辭實可憑周諮我衆又堪徵

明瑞查訪致亂所由知素誠擾累不法及納世通下塔海庸妄乖謬諸罪狀皆得自貿易人衆臺站諸回之口詢之

在事侍衛等亦衆吻如之

哥舒翰既少恩甚

阿布都拉為哈密回部子玉素富同產弟以其久內附之回授為烏什阿奇木伯克乃自蒞事以來不知恤衆每將疲瘦羊馬倍值取利又肆為淫惡致所

風回衆切齒亂作亦並遇害實非意料所及

李大宜還耽樂仍

素誠在烏什惟事科派苦累又復濫縱無忌賴黑木圖拉二人以致債贖之愧實切予懷可同効節加優恤

餘辜真尚有兩駑駘駕愧惟增

用戒將來示創懲

攻堅

明瑞等攻烏什數月圍困甚力賊出拒戰者卽擒獲誅磔於是賊驚駭聚計謂與其束手就斃毋甯捨死以求生因謀夜出襲營我軍覘知之預為之備賊首賴黑木圖拉中箭死賊黨益窘

怖復推賴黑木圖拉之父厄塞木圖拉為阿奇木悉眾死守以延殘喘此皆得之捉生鞠訊者已而明瑞復掄驍銳夜薄其城登陴毀堞奮擊獲大勝賊自是日危蹙矣

罪不容誅賊自知求生捨死死相持誘來平野騎弗進賊知罪在不赦僥倖道死瑞等知之即

調兵兩隊先後繼進前隊次青努爾擇地張甌以待欲誘賊至平地合後隊奮擊賊即退守城我軍追躡及城下賊猶持火器乘陴拒敵轟以大礮賊乃匿避仰薄高峯鎗競施督以衝

堅誠亦易諭令去聲鄭重故因遲烏什初變明瑞即統兵赴援復令尙書阿桂馳驛往會之彼時以烏什最爾孤城又無外援易於收服毋庸悉銳進攻輕擣鎗致多傷

我士卒因諭令嚴急攻圍待其勢窮力蹙乘機取之雲梯豎即登城堞賊既窮窘益固守不敢出明瑞等以時屆秋令師旅不宜久稽乃簡巴圖魯六百餘中夜攜雲梯分道潛往薄城兩隅東北隅先登賊未

覺挺刃交下守陴賊狼狽即舉號火招繼進者又循城自北而東南悉據有之毀其垣堞施鎗箭巨石俯擊殲賊無算後以天明收軍未即得城早施遊魂釜底馳

### 城復

登城之賊益膽落我軍乃逼城築壘嚴圍斷其樵汲即有突出者並擊敗之賊城糧絕馬饑拆屋以爨撤茅以餉殍什溢途巷眾皆憂悸離畔沙布爾者烏什之舊商伯克故未從賊為惡乘人心洶懼謀縛厄塞木圖拉詣軍營納款因以獻城至夜遂內潰先是諭明瑞等曰賊不早悔罪伏法若城垂破始乞降則不

### 新疆圖志

天章四

十六

可貸當盡殲之以揚我武黎明我軍振旅入城悉戮其黨羽徒其婦孺烏什復平時八月十五日也

斧蟾鋒蝟勢將平聲成將去聲恐多傷退我兵我東北登城一軍既獲全勝其攻西南者以賊已有備不復能上明瑞等因天已霽明恐為賊

所要襲急撤城上兵遂未得乘銳搗其巢穴高壘深壕奚道命析骸易子苟延生倒戈縛就無完

卵輿櫬獻來速破城教寫陣圖旌眾勇定功惟是懷虛盈

阿克蘇城回眾投降詩以紀事

回眾築城居取之原屬易庫車其東戶防守所特備徒以將無能久困致自棄先是已兩勝方逆回赴援庫車官兵一殲之於托和館再殲之鄂根河逆黨斃者五六千人賊勢大蹙垂手可就擒獲兵威亦云熾

雜種况夙怯失城更怛悸是宜鼓眾前先聲圖成事而何待益兵

稍進復停轡逆回已失庫車雅爾哈善不即乘機進剿藉口需兆惠兵至將前忽却屢失事會割穀資兵糧前途穀滿地不過

藉口實遂其遷延計夷考回所據大城原有四曰葉爾奇木哈什

哈爾暨阿克蘇烏什其餘率小類阿克蘇今歸實斷其左臂故緣

彼城中伯克乃新置霍集占心腹霍集占既歸舊部各城皆置其心腹以為脅制比聞大兵將至阿克蘇回眾即脅力與逆會拒戰逐其所置伯克獻城請降

強從非眾意今聞被創敗倒戈更相拒叶戕害其用人獻城降遣



使此又宜速赴河上逍遙寘阿克蘇既以城降正可督兵前進諸城可傳檄而定雅爾哈善乃以是禾稼在地欲為坐食株守之計豈前途獻地相踵轉慮貨糧不給耶

謂棄

天佑作孽乃由自易帥明憲章時命將軍兆惠星馳往代其軍將雅爾哈善解京治罪靖遠佈恩惠殲渠

赦脅從敷化逮闇昧劬哉勉運籌顛若冀明賜

重華宮曲宴于闐回長漠咱吧爾

朝天兼值預朝正曲宴宜教沐寵榮爾父誠為識時務漢咱吧爾之父霍集斯伯克先以縛獻達

瓦齊得邀贊比大兵討回部復自烏什赴阿克蘇投將軍兆惠軍營隨征自効而遣其子入覲王臣詎有限裨羸是日御前行走蒙古青海諸王公皆在座舊宮小會

輕齊史新城來歸願武成入律東風方湊達春臺樂輿物咸亨

惜陣亡提督豆斌詩

去歲正月初九日副將軍富德自阿克蘇率諸軍進援將軍兆

惠遇賊要戰於呼爾滿時豆斌領綠旗兵列鎗礮對敵不期中

賊銃捐軀詩以惜之

老將行間名久標雍正年間西陲用兵豆斌即以裨將特著功伐後屢膺節鎮勇略夙優援師深入從去嫖姚鋪敦縱

已占三捷矍鑠不期喪一朝杜牧悲曾譏點筆孟明壯詎肯迴橈

新疆圖志

天章四

十七

最憐來歎臨終際強起猶虞衆志搖豆斌中創時猶力疾拊循諸將士奮勇殺賊

捷報

逆酋霍集占兄弟一創於霍斯庫魯克再創於阿爾楚爾勢蹙

窮竄將軍富德等急躡之於伊西洱庫爾是博達山連界地也

時賊衆據峯負固我兵整陣剿擊中發大神威遠礮兼簡偏銳

用烏鎗夾攻賊中有伯克等悉其大隊呼籲乞降霍集占自山

頂遮截至手刃之不得止而我兵四路設伏盡起有徒步援絕

壁進者轉戰一晝夜賊遂大潰計獲賊衆一萬二千有奇鎗械

二千有奇牲畜一萬有奇逆酋僅以殘衆四五百人逸去富德

等傳檄拔達山部長曉譬順逆令其尅日縛獻至是捷聞朕以

二酋一日不獲軍務一日不竣雖仰賴

鴻庥收城服衆而旁午擘畫何能釋懷爰誌長言伫期永靖詎

得已哉

待圍小憩坐孱顏捷報星馳達玉關奏牘機宜悉覽徧降番輜重

盡遮還千軍直進伊西洱二豎旋逃拔達山除蔓斯之未底定可  
辭畫策宵旰間

賜明瑞

參贊大臣毅勇公明瑞以逆酋大小和卓木望風先遁率前鋒  
銳卒往遮而賊回間道通信逆酋遂兼程走明瑞追及之於霍  
斯庫魯克以遠馳之旅摧拒險之徒銜枚列隊者甫九百人鳴  
哨據梁者且六千指而能折負隅之勢揚卷籜之風轉戰三時  
辟易百里擒生斬級輜重畢收而副將軍富德等亦以兩城既  
定統師會剿逆豎計日可擒非其志秉忠誠曷以功隆摧陷雖  
古名將孰克方茲爰賜是詩以彰其績

世胄更勳戚少年能老成從軍俾習事屢戰得英聲適以狂狙遞  
因將勁旅征欲遮先信漏不捨竟蹤橫地利彼雖擅人和我實勦  
騎惟九百到賊乃數千迎少卒勝其衆勇還濟以誠勗哉俘二豎  
衛霍遜功名

新疆圖志

天章四

十八

我軍

我軍取烏什酋長欵復獻阿奇木霍集斯伯克阿奇木伯克元戎乘良機率衆直

前進其奈隆冬時枯草經蹂躪以此馬不肥奚堪供斫陣况彼臨

巢穴螳臂孤注奮借以誘我軍萬里逞驅趁我師纔千餘鼓勇無

退寸橋圯度四百忠義人爭勸殺賊至千餘矢盡接短刃涉淖退

保營相持城下頓十月十六日我師直薄葉爾羌城緣邊豈溝立隊自固我師以少擊衆所向披靡三戰獲回

士遶七人星馳兩致信將軍遣索倫侍衛五十保等兩次賈勇突出遇賊衆遮道者戮之即奏阿克蘇城參

舒赫德留守諸回靜以鎮羽檄摧後師繼進期飀迅畢齊阿

克蘇赴援雪深恨夷考兵興來曾無遭挫勒此番客主殊不幸致

事債兆惠稱輕敵請罪誠不吝此非退縮比誰逆料利鈍終能寡

勝衆允由効忠盡奚忍更加罪褒嘉章服晉諸臣諸軍士行賞以

功論命兆惠以伯爵晉封武毅謀勇一等公加賜寶石晝夜促後軍直前金鼓振欲藉士

敵愾今夏特命派索倫察哈爾健銳營及陝甘綠營旗兵繼進已過關展而將軍富德參贊大臣舒赫德等聞此仰冀

信各羽檄推進其領軍大臣侍衛等無不切齒逆回寢皮食肉人人同恨計十二月中旬可至葉爾羌也

天助順捷音共春來平回鴻績建

圍解八韻

圍解萬里遠懷舒午夜頻

客冬將軍兆惠等海賊城堅固守三月趣調援師時繁宵  
吁至是始得正月十四日官軍剿賊解嚴兩軍會合之信

將軍誠

善守

天意本先仁少挫終能勝知難在審因勞哉惟衆士予曰有良臣

更議擣虛策相籌應變神

道回大和卓木已遁回喀什噶爾危城勢同孤注惟  
慮小和卓木乘隙潛突預籌於各路偵備以防鉅險

免營終詎脫

蠖屈乃求伸

時軍中方議乘勝進取因念將士久勞且兵餉在  
道正宜少休養銳勅於附進城中駐營以需繼進

重賞斯寧吝明征要必伸

舞干雖美事何以謝將軍

回會反噬稔惡傷我官兵非存從比恒怯無識之徒或議  
解圍卻賊可以罷兵匪直無以伸國威且何由漢士怒耶

副將軍富德奏報小和卓木霍集占亦望風先逃葉爾羌回衆投

誠擬平定回部凱歌十首

伊犁平定擬功成熟謂狂回乃背盟師直從來荷

天佑詎予本意好佳兵偏師獲衛入回城

遵會大小和卓木爲準噶爾拘禁日久我師既  
定伊犁乃出諸繫中遣兵送大和卓木歸齊部

惟誅彼弟和兄

時葉爾羌喀什噶爾城中伯克不容大和卓木進城  
類我師之力攻克其城大和卓木乃能復統其衆

反面樓蘭太寡情是用再勤將與卒亦

新疆圖志

天章四

十九

庫車去歲事遽巡不戰不追免脫身

初雅爾哈善方領重兵圍庫車城而小和卓木旋入旋出  
竟付諸不問自以坐得空城即可報命老師縱賊至今實

設使就擒早偃武至今猶恨債轅人

胎養癰  
之害

阿蘇

即阿克蘇也克字從上  
阿急呼之原成二字烏什遞投降降直進原期速定驪

去冬將軍兆惠率師徑薄葉爾  
羌城雖以再定伊犁投降布魯

特周行萬餘里道遠馬乏猝爾被遮然其時適當諸回

城望風獻款因以乘勢直前進速期綏靖非輕進也 萬里周行強努未將軍猶是氣如虹

二千餘人守三月逆回數萬不能攻援軍催進全師出

命副將軍富德等統  
兵往援轉戰五晝夜

我師全軍拔壘而還以少當衆且固

實賴

鴻禧益惕衷

整軍三路進攻齊早慮同逃不暇齎

將軍兆惠當德議分兵往定兩城朕以二會勢蹙或棄其  
人畜輜重而遁屢命將軍等熟籌詳計以偏師遮其要路

驚訝雨隨軍驛致佳音感

驚訝雨隨軍驛致佳音感

乾賦

土爾番闕展及葉爾羌喀什噶爾一帶素少雨澤今大  
兵所過甘露應時回衆絡繹來降者無不詫爲神異降夷日日出千羣

可知化外有同心簞食壺漿獻致欽

將軍等奏降人爭持糗糧  
羊酒歎遊營門具見忱懼便爾潛逃更何

往前途遮獲定成擒

時兆惠富德方撫定兩城之衆尅日進軍而  
參贊公明瑞等一面往攝賊踪期必俘獲

窮回歸化卽吾民安集勞徠命蓋臣

兩城回衆本爲逆渠所脅非自甘抗拒者今既不肯檢  
從亡且迎降恐後因諭將軍等加意撫循以示無外

校漢唐西域傳可能到此事真傳

安集延將拔達山

軍中偵知二會先期通好拔達山伯克將欲往投又以賊黨願赴安集延持議未決然於彼於此皆屬回地可以尺組繫也

豈能自外入鴻

問行看往遺

聲去

來俘獻兵氣全銷唱凱還

新疆圖志

天章四

二十一